

**CINNEADH ÓN gCOMHAIRLE****an 14 Iúil 2023****lena leasaítear Cinneadh 98/481/CE lena bhformheastar iniúcháirí seachtracha an Bhainc Ceannais Eorpaigh**

(2023/C 275/08)

TÁ COMHAIRLE AN AONTAIS EORPAIGH,

Ag féachaint don Phrótocal maidir le Reacht an Chórais Eorpaigh Banc Ceannais agus an Bhainc Ceannais Eorpaigh, atá i gceangal leis an gConradh ar an Aontas Eorpach agus leis an gConradh ar Fheidhmiú an Aontais Eorpaigh, agus go háirithe Airteagal 27.1 de,

Ag féachaint do Mholadh BCE/2023/15 ón mBanc Ceannais Eorpach an 6 Meitheamh 2023 chuig Comhairle an Aontais Eorpaigh maidir le hiniúcháirí seachtracha an Bhainc Ceannais Eorpaigh <sup>(1)</sup>,

De bharr an mhéid seo a leanas:

- (1) Tá iniúcháirí seachtracha neamhspleácha, arna moladh ag Comhairle Rialaithe an Bhainc Ceannais Eorpaigh (BCE) agus arna bhformheas ag Comhairle an Aontais Eorpaigh, le hiniúchadh a dhéanamh ar chuntais BCE agus ar bhainc cheannais náisiúnta na mBallstát a bhfuil an euro mar airgeadra acu.
- (2) In 2017, roghnaigh BCE Baker Tilly GmbH & Co. KG Wirtschaftsprüfungsgesellschaft mar iniúcháirí seachtracha BCE do na blianta airgeadais 2018 go 2022, agus an rogha ann síneadh a chur leis an sainordú go dtí na blianta airgeadais 2023 agus 2024 <sup>(2)</sup>.
- (3) Tháinig deireadh le sainordú Baker Tilly GmbH & Co. KG Wirtschaftsprüfungsgesellschaft tar éis an iniúchta don bhliain airgeadais 2022. Tá sé riachtanach, dá bhrí sin, iniúcháirí seachtracha a cheapadh ón mbliain airgeadais 2023.
- (4) Tá sé beartaithe ag BCE síneadh a chur le sainordú Baker Tilly GmbH & Co. KG Wirtschaftsprüfungsgesellschaft go dtí na blianta airgeadais 2023 agus 2024. Is i gcomhréir leis na socruithe conarthacha idir BCE agus Baker Tilly GmbH & Co. KG Wirtschaftsprüfungsgesellschaft ar féidir síneadh a chur leis an sainordú.
- (5) Mhol Comhairle Rialaithe BCE go gceapfaí Baker Tilly GmbH & Co. KG Wirtschaftsprüfungsgesellschaft mar iniúcháirí seachtracha BCE do na blianta airgeadais 2023 agus 2024.
- (6) Is iomchuí an moladh ó Chomhairle Rialaithe BCE a leanúint agus Cinneadh 98/481/CE <sup>(3)</sup> ón gComhairle a leasú dá réir sin,

TAR ÉIS AN CINNEADH SEO A GHLACADH:

*Airteagal 1*

Cuirtear an méid seo a leanas in ionad Airteagal 1 de Chinneadh 98/481/CE:

*'Airteagal 1*

Leis seo, déantar Baker Tilly GmbH & Co. KG Wirtschaftsprüfungsgesellschaft a fhorghéar mar iniúcháirí seachtracha BCE do na blianta airgeadais 2023 agus 2024.'

<sup>(1)</sup> IO C 208, 15.6.2023, lch. 1.

<sup>(2)</sup> Moladh BCE/2017/42 ón mBanc Ceannais Eorpach an 15 Nollaig 2017 chuig Comhairle an Aontais Eorpaigh maidir le hiniúcháirí seachtracha an Bhainc Ceannais Eorpaigh (IO C 444, 23.12.2017, lch. 1).

<sup>(3)</sup> Cinneadh 98/481/CE ón gComhairle an 20 Iúil 1998 lena bhformheastar iniúcháirí seachtracha an Bhainc Ceannais Eorpaigh (IO L 216, 4.8.1998, lch. 7).

*Airteagal 2*

Gabhfaidh éifeacht leis an gCinneadh seo an lá a dtabharfar fógra faoi.

*Airteagal 3*

Dírítear an Cinneadh seo chuig BCE.

Arna dhéanamh sa Bhruiséil, 14 Iúil 2023.

*Thar ceann na Comhairle*  
*An tUachtarán*  
L. PLANAS PUCHADES

---